



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Prognosticon Aus Gottes Wort nötige Erinnerung/ Vnd
Christliche Busspredigt zu dieser letzten bösen Zeit An
hohe vnd nider Standes Deutsches Landes: Auff den
Cometen/ so von Martini des 1577. Jars/ ...**

Irenäus, Christoph

[Erscheinungsort nicht ermittelbar]

VD16 I 292

XIX. Ein gros Vnglück wird Deuschland vbergehen.

urn:nbn:de:hbz:466:1-36702

fürs ander / Erhelt vnd errett er sie wunderbarlich / vnd
sonderlich aus gnaden / mitten in der straffe / Als den
Jeremiam / welchen der König von Babel nicht allein
beym Leben liefs / sondern auch auff freyen Fuß stellen /
vnd noch darzu mit Geschencken begnadet.

Zum dritten rafft Gott die Goetsfürchtigen für der
straffe vnd zukünftigen Vnglücke hinweg / vnd bringet
sie beseyt vñ zu ruhe durch den leiblichen Tod / Wie
Esaias am 26. capitel bezeuget / in dem er ja Gott der
Herr durch in saget / Gehe hin mein Volk in deine Kam-
mer / vnd schleus die Thür nach dir zu / verberg dich ein
Klein augen blick / bis der zorn fürüber gehet.

XIX.

Ein gros Vnglück wird Deudschland übergehen.

Deudschland ist bey dem hellen Liecht des Göttli-
chen Wortts mit allerley Sünde / wider die erste vñ
ander Taffel der Zehen gebot überheufft vnd überschüt-
tet / vnd hat kein Scraff vnd Buspredigt / Verman-
ge / Zornzeichen weder statt noch raum / keine Busse vñ
Bekering erfolget / Ja Deudschland wird je lenger je
sicherer / frecher vnd Gottloser / vnd sind fast alle Teu-
fel aus der Hellen gelassen / welche in den Leuten gewal-
tiglich herschen / vnd sie in Sünden gefangen ires gefal-
lens fort treiben / Eph. 2. 2. Tim. 2.

Summa / das Land wird voll Sünd vnd Schand /
Es ist keine Treu / liebe / kein Wort Gottes im Lande /
sondern Gotts lesterung / Liegen / morden / stelen vnd
Ehebrecken hat vberhand genommen / vnd kompt eine
Blutschande nach der andern / Darumb wird das Lan-
de jemerlich stehen / vnd allen Einwonern vbel gehen /
Wie wir mit Osea 4. wol klagen mögen / Vnd mit Je-
remia 5. Es stehet greulich vnd scheuslich im Lande /
Die Propheten Heuchler / Schwärmer vnd Verführer
vnd

vnd Vergleichher / vnd Verstreicher / leren falsch / Vnd
die Priester herschē in irem Ampt / vñ mein Volck hats
gerne also / wie wird es euch zu letzt darüber gehen:

Summa / Es lest sich allerdinge also ansehen / das
Gott die lunge nicht wird dem selzamen Spiel vñ für-
nemen zusehen / vnd dem Deudschland seinen mutwille
gestatten / Sondern desselbige manchfeltige / vberheuff-
te Sünde mit einer grewlichen Rute (so er vns an nes-
hestem Cometen fürgebildet) heimsuchen wird / Wie
er denn noch zum vber flus zur letzten warnung lest sch-
reckliche Zorn vñ Straffzeichen / in der Luft / wasser /
Erden / vnd fast an allen Creaturen sehen. Daraus of-
fenbar / das nichts gewissers ist / denn das grausame
Straffe für der Thür sey / vnd Gott seinen Zorn vber
Deudschland ausgiessen wird / Also / das darnach kein
schreyen / kein ruffen / kein flehen noch Vorbitt helfen /
vnd Gottes zorn wird können auffhalten oder wegnes-
men / Vnd werden als den grewliche Finsternis vñ Pla-
gen komen / wie den solches der man Gottes Lutherus
lange zeit zu vor im Geist ersehen vnd geweiffaget hat.

XX.

Etliche Prophezeyunge D. Luthers / vber vnd wider Deudschland.

Item 6. Tom. germ. Witten. fol. 317. sagt Er Lu-
ther / Ich achte / das Deudschland noch nie so viel
von Gottes Wort gehört habe als jetzt / Lassen wirs
den so hingehen ohne danck / so ist zu besorgen / wir wer-
den noch grewliche finsternis vnd Plage leiden. Lieben
Deudsche / leufft weil der Marck für der Thür ist / sam-
let eyn weil es scheint vnd gut Wetter ist / Brauchet
Gottes gnade vnd Wort weil es da ist. Den das solt ir
wissen / Gottes Wort vñ Gnade ist ein farender Platz
regen / der nicht wider kompt wo er einmal gewesen ist.
Er